

Ad cognitionem Capsidarum aethiopicarum

scripsit

O. M. REUTER.

III.

Species sequentes in museo Holmiensi asservantur.

1. *Phytocoris dolichoapterus* n. sp.

Elongatus (σ^7), pallidissime flavens, oculis extremoque apice scutelli fuscis; hemielytris longissimis, dense aequaliter rufo-ferrugineo-conspersis, cuneo basi late innotato, apice late rufo-ferrugineo et pallido-variegato; membrana dense cinereo-irrorata, venis rufo-ferrugineis; femoribus posticis apice dense rufo-ferrugineo-conspurcatis; rostro apicem mesosterni attingente; femoribus posticis longis, tibiis innotatis, spinulis testaceis crassitie tiliarum brevioribus; segmento maris genitali sat compresso, mutico. σ^7 . Long. $10\frac{1}{2}$, lat. $2\frac{1}{3}$ mm.

Caput Bonae Spei, D. Drège.

Species colore, statura valde elongata longitudineque hemielytrorum insignis. Caput basi pronoti circiter $\frac{3}{5}$ angustius, a supero visum pronoto fere $\frac{1}{3}$ brevius, ab antico visum latitudini verticis oculique unici aequae longum, a latere visum altitudine basali fere nonnihil longius, vertice (σ^7) oculo paullo latiore, sulco longitudinali distincto instructo, fronte omnium levissime declivi, clypeo usque a basi fortiter prominente, ipsa basi in parte quarta basali altitudinis capitis a latere visi posita, angulo faciali acutiusculo, genis linearibus, gula horizontali, peristomio fere aequae longa. Oculi totam fere altitudinem capitis occupantes, supra superficiem verticis surgentes, fortiter